

石田先生詩鈔七

今體弘治元年戊申
盡八年乙卯

雪中偶題弘治戊申

靜坐關門意便欣
老年稍稍息勞筋
潮通沙激冰魚子
竹亞寒簷雪雀羣
畏酒作痰如惡客
愛人說夢亦奇聞
紙窻飯後何消遣
呵筆時抄玉露文

東野

西倚獅山地向東
江村一半有溪通
先春紫燕當門雨
侵曉烏犍出塢風
拄杖尋詩迎月上
提壺看竹許僧同
水南水北相將起
白髮何如老隱翁



西川二首爲孫世節題次吳匏菴韻

移家忽要離川東自信何須問老翁
七水大都如屋下
山小半入城中沙鮮近市枰多蛤
海氣通邨井或虹有片
閒心無所作畫圖詩律兩爭工
西川風物新家處一畝之居半畝
苔慮怕市喧忙避去便
宜山近特移來芙蓉曲渚秋風動
鴈鷺長波夕炤開我亦
曾尋偏記得隔林高有古書臺

西庄圖爲桑滄齋通判題

西庄半浸白鷗沙屋後峯巒紫翠
遮高踏煙霞藏宦轍俯
親漁獵共山家魚苗細水滄蒲茁
燕口新泥帶柳花萬一

朝廷追舊德釣竿終不是生涯

都氏賞花

太平 天子弘新治國艷隨年亦爛
開心裏紫檀藏密印
朶頭紅玉露重臺酒嫌未劇
挽詩賞花怕難齊著鼓催我
與東家同六十白頭能此幾啣盃

橋東

橋東未與東橋異問訊何勞錦里翁
剪取竹竿漁具足撥
開荷葉酒船通獨臨秋水人搖月
漫送清歌樹引風嘗笑
西鄰憂不足白頭心事竟誰同

理墳二首

官竹園頭春日斜手開新土漸成窪觀生如寄誰非客視
死爲歸此是家白髮暫存知電露青山長臥有煙霞慰勞
自假閒詩酒且弄年華與物華

卜墳已喜傍雲厓未老先曾有此懷雀表虛名待誰錄狐
丘宿約與妻偕百年齊理參諸妄一鋪泥邊打早乖免向
君王乞骸骨自山生長自山埋

月航

兩頭簫鼓遊明月滌此清光拉柁開信我船中都載却從
何水上又浮來南飛烏鵲驚鳴榜旁躍魚龍觸洗杯敗興
笑他千里雪有人空去復空回

題芭蕉贈僧

山僧心與跡俱閒未限居山及出山長對芭蕉閒不過時
留一偈葉中間

早起自遣

養拙藏衰結靜窩是非如海隔雲蘿面前雪影梳頭亂空
裏蟲絲礙眼多病女從人家落魄老妻淹殞歲蹉跎虛懷
昨夜當秋雨惻惻蕭蕭兩奈何

題畫與趙文美別

十日消閒障子成看君堂上白雲生有人若問誰持贈萬
疊千重是我情

秋夜臥病

雨滿疎燈風滿堂呻吟聊復對蛩螿老人衣服秋偏早多
病衾裯夜轉長客有遺著因習卦家無儲藥且看方辟除
苦望登高節可奈茱萸未拆房

送程宮詹

因久雨為言者濫及去位

車馬出春明雨中人獨行人從今日去雨是幾時晴靜閣
一杯酒亂聞千樹鶯故山堪註易天意就先生

實錄弘治元年十月以久陰不雨監察御史王嵩等疏
陳修省劾禮書周洪謨及敏政等上以敏政舊侍從
官令致仕石田詩云因久雨為言者濫及與國史異按
皇墩與石田書云舟次吳門匆匆竟不得一面君謙儀
曹誦見贈佳作有人從今日去雨到幾時晴之句欲請
書為行李之重不可得也則篁墩以久雨去位無疑實

錄誤

薰楊梅謝姚存道所惠

摘落高林帶雨枝碧煙蒸處紫累累肉都不走丸微瘦津
略加乾味轉滋烏口奪生鮮恐爛龍睛藏熟久還宜珍
品作楊家腊報寄須當費我辭

喜程元道見過

客子到門西日沉情緣一見一迴深逼除歲月匆匆話遠
市盤飡草草心積竹叢寒魚合澤墮樵風急鳥爭林白頭
與世殊踈澗特地因君理舊琴

且閑弘治己酉

十載飛塵雙足黃誰知屋裡有滄浪靜時覺得忙時錯一
日還如兩日長行遇好山須命酒坐因芳樹便移床白頭
短杖南塘路我欲來談華子忘

樂野

近習農功遠市譁一莊沙水別爲家墻凹因避隣居竹圃
熟多分路客瓜白日簾櫳又新燕綠陰門戶儘惹鴉我當
數過非生者酒滿牀頭不待賒

贈妓

春衫草色一般裁面似新花觸麝開笑揭紅簾下樓去蜻
蜓蝴蝶鬪飛來

與客夜話

老年多病只關門始爲尋醫偶出邨春過寂憐花致事雨
來忙見草承恩故人落落星催曉舊話淹淹月報昏酒盞
莫教辭激灑客舟猶喜一壺存

秋雨偶書

雲暗湖村水漫沙秋堂蕭颯類僧家聰明比舊堂堂減老
懶隨年數數加風扇未愁蕉破葉雨房偏恐稻傷花坐深
兀兀多資睡強欲開書候日華

病中折菊爲供

憂懷判與菊無私奈此籬根爛熳枝強借陶瓶應秋事因

將病眼洗寒姿夢中笑口簪花伴枕上清齋止酒詩小閣
紙簾岑寂地藥煙零亂髻絲垂

拂水巖 弘治庚戌

只有看山是勝緣青鞋布襪且輕便天收雨脚餘今日我
趁花時遣老年絕壁雲扶將墮石豁崖風勒下奔泉此來
不憤空歸去旋構新篇揀竹鐫

寄桑簡齋通判

驅馳一倅厭為州歸就高閒未白頭竹篋理詩春草亂糟
床聽酒夜泉流農桑舊課今家事山水清談昔宦游因愛
兩湖風月好近時知買木蘭舟

楊花二首

撲面吹衣雪點晴亂紛紛地亞夫營借風為力終無賴與
水何緣却託生看雀啣金新蕊破愛蜂撩玉小團輕踏訝
女子空連臂喚不歸來信薄情

恃何顏色漫狂顛雖取花名未取憐寒士衣裳思挾纊相
公簾幕欲漫天吹噓不起春泥上撩亂無端老髻邊一種
當門小兒子傍風因日弄輕圓

孫世節貌陋容請題

白頭儘是老便宜六十餘生天地私學舞固無長袖子出
游還有小車兒綠陰如水微吟處紫袷含風半暖時瘦影

任君描寫去百年草木要相思

題畫

山中地貴何錢買水次幽居却儘強
惛惛孟梓無俗客清
虛亭子但湖光弱雲過雨不多
點高木當風有許涼
一咏
一觴殊遣撥自家錯認住柴桑

做雲林小景贈宿田翁

石徑蕭蕭落木疎小橋流水限林廬
秋風黃葉少人跡雞
犬不聞惟讀書

顧應和新舟成過余楊湖携酒拉客作水嬉於湖陰

即席賦此

挿羽飛觴酒漫傳水嬉人物望如仙
落霞孤鶩湖中句綠
幙紅簾畫裏船高棟失花風入樹稚秧無力浪吹田
勸客休辭醉須信浮生少百年

應和作小軒跨琴水若舟因以杜子美春水船如天

上坐之句取其意命之曰春水船為賦詩作圖揭諸

屋壁云

我愛君家春水船鷓鴣鸕鶿共江天
寄居浮世休爭地買
斷清溪不費錢明月倒懸書幌下
跳波涼入枕屏前欲將
畫舫齋中記爛熳重揮素壁煙

聞楊君謙致仕賦此以致健羨
弘治辛亥

耕不穰不田詩錄
當場拂袖便南行一著孤高更覺清初擬熱官移教授思
量猶自累瓢聲

春官司署儘能閒猶道勞形與病關身在早朝霜馬上青
青殘夢是吳山

江南微雨杏花春一箇漁舟載病身莫信歸來示無用釣
竿斜日弄絲綸

功名出處異於人染指初頭便乞身人自謂渠渠自足了
官歸奉黑頭親

神武高冠掛急流老人之事少年謀江南四百八十寺處
處磨碑待記遊

到手功名賦子虛深山長谷覓安居讀書已足功名事更
讀人間未讀書

文章的作大家傳萬變風雲筆有權要覓大山藏小史東
華香土斷無緣

茫茫仕隱不同風進退惟人自折衷鴈宕邗前梅雨裏低
頭畦菜是英雄

秋空歸鶴楚雲高白晳青山白苧袍多少玉堂金馬客待
抽身得已霜毛

乞閒不與少年宜領得天恩又較遲忙要著書容補世
君王會有詔行時

醉玄都觀裏桃
都門祖帳百花飛多見龍鍾賦式微較取柳條千萬折不

會送一少年歸
臨岐冠蓋酒淋漓卷軸通朝滿贈詩當是別翻嘗案子千

人描畫一人歸
寤在鐘鳴漏盡前恩波特縱五湖船 君王自要成廉退

陳乞原非例引年
碧山勾引步如飛少日知閒古亦稀只有馮良年頗似又

非會惱督郵歸君謙致仕在弘治五年
辛亥年僅三十有二

題畫

芳時中酒病難降朝日烘人始啓窻可怪楊花輕薄甚盡
扶春去落煙江

睡起小酌

黃鸝啼夢粉墻東簾幙深沉日日風起喚酒盃尋一醉春
愁打破落花中

支硎山麓逢楊君謙

林蹊相值夕易邊迹似無官意有仙高笠冒雲宜我畫小
詞磨石信僧鑄山逢佳處有遲轎眼落閒時袖出編隨後
擔夫亦殊俗花筐酒榼兩頭懸

杏花

半抱春寒薄染煙一梢斜露曲墻邊東家小女貪粧裏聽
買新花破曉眠

睡起

欲晴不晴雲閣雨欲落未落日掛山道人睡起思如水閒
倚長松數鶴還

遊西菴

在城西南隅

尋僧雖愛茗盃清也要提携有酒罍野色迎人過橋去春
風吹面傍花行般遊欲及牛羊晚喜悅還隨鳥雀晴白髮
老翁身健在不憂無地度餘生

聽松菴小酌

喚雨林鳩且莫催聽松汲澗要徘徊已知壁畫成神物聊
與菴僧慨劫灰雙鬢雪從忙裡出廿年人似夢中來欲歸
未便忘情得更對青山醉一盃

半清軒

一軒偏側兩弓餘心遠何妨市上居盆裏栽梅寄瀟灑壁
閒寫竹看扶疎閑翻酒券供臨帖靜借牙籌記讀書日有
茶煙與香篆行人簾外欲停車

奉寄三原王冢宰

喜見溫公再相時衷心如日鬢如絲謙辭高爵身稱老優

耕石齋田詩鈔
免嘗朝 帝曰私瞰鬼樓臺無地起質神章疏有天知酌
量氣化人瞻斗平準安危國倚著富貴焜煌看玉帶功名
登載托金彝超賢拔俊休遺力扶植昇平此是基

黃尚節靜逸堂

記得君家附郭居一堂幽處市聲虛綠陰日薄停琴坐白
髮風涼帶雪梳嬉脚漫延窻下酒燕泥時汚手中書長郎
日以文爲業潤筆青錢可饌魚

食煙

海戶求鮮食填筐管族繁袂泥深詣窟緣殼暗尋門擿玉
容生摘凝酥怯過燔著薑相打合漬酒與溫存角聳蠻娃

髻纏纏拙婦鬼味饕人口腹菑累爾兒孫比類憐吹煦舍
津憶吐吞庭霜委故蛻沙雨沒虛痕薦爽山杯後休將蠟
蛤論

挽東禪信公

匝頂霜根七十強笑呵呵地佛心腸掀翻趙老茶公案踏
破林仙酒道場屋掩雲蘿秋榻淨經殘松月夜窻涼我來
借宿今無主還擬呼之在醉鄉

爲蘇太守題畫

疊疊青山宛宛溪林蹊曲折世途迷雲邊石壁花漫縫會
後春田雨夾泥趁屋墻斜鄰舍逼當門樹密鳥巢低鳴騶

未不齊不日言鈔
入谷人今起惟有圖書積舊栖

與王優

高歌宛轉送新聲
腔愛頻移酒漫傾
著水游絲風趁起
過墻花影月扶行
正須陶寫當吾老
更爲慙慙奈爾情
可惜相逢牡丹後
柳邊聊倩荅啼鶯

題畫

水木清華覺眼生
一家深住少逢迎
林蹊邨徑迂難認
揀得山雲缺處行

荅張時用寄曆

閉戶膏騰歲惘然
開君曆冊見新年
大家樂日春風裏
老

我驚心鬢雪邊
烏柏斜陽破村落
白鷗高浪舊江天
擬將清話消離索
誰致張卿木榻前

次韻天台陳勉賣癡呆八絕

只恁多呆只恁癡
惺頭箇箇好男兒
疾行快走皆先去
風雨來時却著誰

瞞却惺惺去賣癡
呆兒真是養家兒
到頭打合無牙僧
空手歸來告訴誰

放心放膽信呆癡
是箇人間懵懂兒
不願將他博伶俐
呆癡去我却從誰

東賣呆兮西賣癡
賣癡即是賣呆兒
賣來賣去無人買
我

不擔當與阿誰

呆賣不行還賣癡街頭難遇喫虧兒鮑金柳播千年事今

日癡呆更有誰

要賣吳呆也是痴吳兒的是妄心兒饒他白脫俱搖手遲

貨年年發付誰

空賣呆兒又賣癡攔街都是耍乖兒通身一具癡呆骨抖

撒將他換與誰

初自誰邊錯買癡被渠乖者賺呆兒蘇州城裏人如海難

悔還他認得誰

再寄張允誠弘治壬子

海鄉多雨又無杯莫怪低頭只畫灰逆旅殘年何慰藉故
鄉歸夢有驚猜老緣鬢脚尋來准愁戀眉頭撥不開無限
春風滿天地南坡還到舊栽梅

四日過有竹庄

春早拏舟聞鵲鳴病餘勉強竹庄行開年數日匆匆易向
老逢人往往生陰隲瘦姿松抱冷雪洲芳意草知晴稍通
酒觥聊乘興亦漫詩篇度野情

病起

病骨支筇却下堂瘦顏衰鬢入愁鄉黃鸝饒舌花饒笑一
樣春風有別腸

初春

番暖番寒似小兒嫩春天氣乍嬌癡預先辦酒等花發醉
到花飛亦霎時

微黃冉冉柳生姿數日春晴陡有私新水一陂他自暖跳
魚何故却先知

睡起

望七衰翁與嬾便眼昏祇好枕書眠算前去是荒唐日喜
後來為受用年龕糲飯香蓴菜裏子孫計遠橘栽邊支藤
閒遶花蹊看蝶鬧蜂爭各要先

蒔菊

合瓦團團縛小盆煙叢分蒔遶秋軒先教辨葉方知種更
慮澆泉太漬根寒送餘甘歸藥籠晚投薄分與柴門開花
解向天涯笑游子何時憶故園

游高道禪居

山複岡迴靜結廬林蹊生處我來初杖欺新綠苔痕裏履
踐殘紅雨迹餘酒榼臨春聊遣撥禪單消日自清虛壁塵
怪是游題滿教種芭蕉別倩書

和陳玉汝大理乞竹韻

僮子才通醉日書長身早見載專車葉留宿雨鸞翎濕鞭
走新泥蠖節舒下馬題詩添過客借風清暑便鄰居夜來

半舫齋中月壁影蕭蕭水墨虛

覺老弘治癸丑

腕膈生痰謝酒觴菜羹麥飯且家嘗山追舊眺今成懶事
喜新聞背已忘春水試竿漁檻淨午風丸藥鳥窻涼祇須
如此成消遣種種塵緣與老妨

水邨圖

魚庄蟹舍一叢叢湖上成村似畫中互渚斷沙橋自貫輕
鷗遠水地俱空船迷楊柳人依綠燈隔蒹葭火映紅全與
吾家風致合草堂曾有此愚翁

咏簾

誰放春雲下曲瓊一重薄隔萬重情珠光蕩日花如夢瑣
影通風笑有聲外面令人倍惆悵裏邊容眼自分明知無
緣分難輕入敢與楊花燕子爭

窻下獨坐

漸覺年捱七十傍聰明視舊已茫茫有生但恐違溫飽凡
事無能與短長食力田園聊任拙離羣城郭少知忙新糊
窻紙添虛白尚把殘書趁日光

聞三原王公致政

功烈堂堂六十年勞勞萋菲不妨賢至公何待歲與月未
定且繇人勝天雲鳥青山形跡外風塵白壁笑譚邊江湖

雖遠憂仍近長對南薰憶五弦孝廟即位起三原公於田間五年壬子以劉文泰誣

歸乞
九月臥病未復旋復患齒

藥裹醫編傍枕安登高時月臥中殘禿顱恥鏡看都嬾病
口臨觴笑亦難霜缶菊枝同一瘦雨庭鶴質伴孤寒何當
健赴東鄰社儘啖魚羹與蟹盤

送韓宿田翁

兩月衾裯厭久眠荷君惠問每床前頻煩藥物酬多病鄭
重舟航動老年落木門墻秋水宅亂山城郭夕陽船扶筇
起送迢迢目攬結餘情更小篇韓襄字克贊別號宿田翁鮑菴為撰生壙志

和吳鮑菴蒲墩詩韻墩蓋孫希悅初假於何元亨即
以贈鮑菴者

細織春蒲雨葉乾圓陀陀地活如丸就床欲奪青奴寵擬
例當除祕閣官大類兩瓶容酒困少加一臂使人安乞鄰
而與都休較留作鮑菴和氣團
霧緯煙經葉葉乾彭亨編就輓輪丸物歸鮑繫菴中主人
勝葫蘆樣子官莊叟槁梧何足據管生白木正須安客來
下榻還驚訝疣贅如何有兩團

史明古宅宴牡丹後汝其通吳光臣折兩枝置舟中
復賞弘治乙卯

萬疊千層頰玉臺仙苞拂席鳳毡
不嫌老眼饒重看欲
異凡花特後開短柄東家和露折
小舟西子載春來臨軒
綉幄休誇醉傍水新粧別有杯

雨後

雨脚床床向晚收生涼却暑便如秋
偃松依舊存孤蓋新
竹公然過一頭因地沮洳忙喚杖覺溪寬
大好行舟太多
亦恐田疇忘却笑天公難應酬

水悶

破屋如舟只浮住茫茫魚鱉是比鄰
頻年大塊無乾土何
處巢居著老身萬頃水田春澇富數聲雷
腹曉飧貧詩書

不飽還堪遣開卷時時感昔人

病起

筋力遲遲百嬾成關門只好謝逢迎
老空求舊無同輩拙
不宜時讓後生久坐衣裳知晚露獨眠
衾枕厭秋更祗餘
曝背兼捫瓦黃草簷頭覺稱情

九日值雨無菊

重陽薄酒且沾脣歲患雖煩節物新
昨日未知今日雨流
年不怨老年人離花欠事無黃菊江草多
愁漫白蘋何待
齊山始酬醉小孫須辦拾頭巾

秋暑夜坐

星河垂地夜闌珊坐久幽懷百事關
畏老欲逃如鏡裏苦塵難脫限人間
一亭多竹還妨月二水宜家又欠山
世好茫茫誰是足祇除心迹自高閒

過荒隴醉言

老子尋芳挑酒錢樂哉斯丘青嶂邊
若教卽死便埋我更是可生還
聽天人間一日過一夢花下百壺酬
百年尚將醉墨寄絕壁風雨不洗山
蒼然

生朝自遣

門前客到鶴先鳴洒掃茆堂作送迎
座舉龍鍾先有我鄉尋儕輩漸無兄
明年七十將來壽今日三杯見在生
一幅

布巾藤作杖倩誰林下畫閑行

弘治八年己卯先生年六十九

屈老

長帽西風滿面塵相逢憐老不憐貧
三盃濁酒浮生事一曲悲歌萬感人
螻蟻未知何處骨蜉蝣聊寄不訾身
白頭對客無聊賴還說鶯花少日春

題畫

夜來微雨濕春叢溪館沉沉日未中
可柰桃花如棋局子間黑白墮輕紅



石田先生詩鈔八

今體

弘治九年丙辰盡
正德元年丙寅

七十喜言

弘治丙辰年作先生年七十

自知蒲柳望秋零意外驚延七十星膝下還爲小頑子籍
中已是空閒了先人蠹卷箱藤白老母魚羹釣竹青儘把
餘生享天福亦無慙媿到山靈

七十迴來秋葉零後憐歷歲已晨星不才儘自慚諸已識
字聊堪破一丁心事浩隨雲共白鬢毛難學草回青湖田
繞舍麤饘粥雞骨豐凶屢托靈

眼識茫茫齒髮雲種田還欲候穰星百年云倘行猶未七

井石田詩鈔卷八

表不齊不日言金
十爲稀幸已丁待月露生秋袷紫仰天風卸暑巾青時修
靜觀心齋裏應物虛明頗涉靈

牡丹

春色難尋酒可賒餘芳却愛老僧家風流老矣饒今日富
貴依然在此花數朵新霞帶微纈一枝濃露渥清華漫須
著眼還須醉自有兒扶上小車

王汝和招飲

故人招我我能來白髮盤桓自嬾回得一日閒消一日既
三盃後更三盃綠陰池館梅成子青竹園林笋墮胎地在
軟紅香土外渚鷗沙鷺絕驚猜

歸途復燕王汝和水月軒

青子綠陰還可嬉酒杯無地不相宜夕陽翻席到人面遠
水搖山隔目皮今日直須終一日暫時何卜有他時世閒
樂事尋嘗得但惜人生多別離

閒居

顛毛脫盡野僧如世好都歸一嬾除欲博晏眠高著枕圖
便老眼大抄書屋須矮小茅須厚窻要清虛竹要疎心與
陶翁有相得時歌吾亦愛吾廬

舟中有感

世緣一向只昏盲靜裏觀心始自明得喪有塵齊後滅是

秋石齋不日言金
非無種辯時生秋峯長嘯兼天迥月閣高眠徹夢清老矣
此身真長物不知何地著虛名

寄三原王冢宰

玉帶朱衣鶴髮明夕陽林下寄長生秋涼春暖筋骸健雨
後晨初意思清蔭樹一編依臥鹿傍花三酌趁啼鶯功名
成遂真豪傑更自逍遙享太平

秋宵

秋宵殊爲老人長展轉衾裯夜氣涼夢到衰年隨血少事
尋閒感累心忙憑凌殘月空梁鼠干聒西風破壁蟹強把
清吟訴無賴亦堪延緩及窻光

雨夜自遣

需霽寥寥坐夜長呼童轉燭更添香澄懷有物嫌詩在聾
耳無聞併雨忘頭上青天終自出人間白屋暫相當明朝
補漏吾還得手把黃茅作向陽

再和自壽韻

萬萬人中數我零爲農亦是一微星衣裳無補吾明主
天地徒存此老丁闕水遊魚尾不赤絕雲高鳥影俱青笑
看拜極癡兒女已到希年尚乞靈

臘月二十八日立春得雨病起漫言

小閣櫺窗風自推手添香炷撥爐灰殘年送病詩中去淑

氣將春雨裏回午案待嘗新茁韭陽檐思訪欲開梅歲功
代謝忙如許似與衰翁遜老來

西園

爲園多半是遊嬉傍宅西偏事事宜
儵尾趁花溪宛轉鶯聲隔葉樹參差地循五畝橫分畛路遶三叉曲作籬滿面
夕陽人已醉還歌飛蓋舊遊詩

文溫州寄鳳尾蕉

弘治戊午

鄭重移根過嶺來向陽墀土擇宜栽葉攢碧柄參差長幅
破青綆細瑣栽心雨拔簪鰲戍削尾風搖扇鳳韞璫森然
獨冒寒窻雪不似芭蕉一夜摧

三月一日喜晴小步載用士弘韻 戊午

雨春情況悶中諳一日初晴月已三半濕半開花解笑相
呼相應鳥交談閒行聊樂將誰伴獨咏而歸也自堪更有
餘懷成漫酌好風吹面小軒南

上巳日漫作

和風晴日正宜春碧柳紅桃得得新老謝被除何故事健
追行樂有閒身鄰翁採薺分家小游女採花打路人不限
長安水邊好太平隨地總堯民

金山寺吉公房小酌

嘗惜忙未到到來方悟閒過江如隔世入寺不知山風氣

薄詩骨夕陽浮醉顏古人誇一宿三宿我才還

登金山

龍宮湧出玉嶙峋乍眼來看極悚神滿地莫論無坐處東坡忽至佛印室中曰內中流真見不羈人東坡蒜山詩云金翰何來此間無坐處山亦是不羈人坡
墻低樹少多容月石瘦花慳晏得春舟楫一江名利路烟
波誰謂不生塵

感宜興善權寺寥落

有客新尋古洞回國山無處問茶杯僧煩籍役兼徒去虎
熟禪堂引子來雨爛竹菇春委頓風驚松籟夜摧頽未應
靈勝隨人往碧殿猶存火篆雷

和棋古田韻

弘治己未

昨晚溪頭月色纖老僧相見且和南算春已及一百五問
老今慙七十三桑戶日長蠶足食竹堂風暖燕交談茶龕
酒濁無清供奇石銅盤也自堪

齒落

七十三年與我存一時迸落豁開門車空已覺乘無物舌
棘猶嫌刺有根顛倒自憐臨水漱含胡人笑漏風言數來
滿口今餘幾軟粥香醪且瓦盆

庚申十一月二十一日生朝作

七十四年剛送過今年添作五年來從前饒算沒一馬向

後猜闡知幾枚萊子筋骸強可舞吳兒心性老仍呆人家
有地皆桑苧我獨貪香却種梅

小軒雨意題寄匏菴老友

弘治辛酉二月

春來疊疊小詩成漫寫芭蕉不記名老愛逃名欲忘我饑
謀煮字不聊生少年倏忽花都盡癡客留連雨未晴打點
明朝更何事綠陰丸藥送流鶯

讀吳文定公御祭文

德望文章稱科甲官階壽考更兼之嗚呼今日延陵墓不
愧當年有道碑 天子重傷麟喪魯吳人私幸鳳生岐白
頭野老宜先死翻向秋風泣所知

文定以弘治甲子六月卒年七十

乙丑生日重和七十韻

七十稀年又九齡敢憑虛妄更推星身軀薄劣無壬甲詩
草繁蕪合丙丁饌品久空魚白白葷拌尚詫韭青青因多
歷世多知事非爲谿翁性有靈

乙丑六月聞哀詔有感

八十衰黎死境臨哀傳尺一痛難禁虞淵愴日江湖淚杞
國傷天蟣蝨心負展周公正思畫解民虞舜未亡琴白頭
病枕茅茨下時夢 新君在諒闇

愚翁分與世緣疎國恤驚心泣且吁生長太平惟欠死老
衰餘息尚何如不知伊傳誰調鼎欲夢羲皇我枕書終日

表不齋不日詩鈔

六

無聊思理髮雪莖些少亦頻梳弘治十八年乙丑
九十孝宗升遐先生年七

聞謝閣老休致過蘇遙寄

五十懸車事異嘗符階綸閣迥天光千秋國是黃金鑑一
夜鄉心綠野堂漫賦祁招惟自止舊圖負展敢云忘技風
後起梧桐樹四海還瞻老鳳凰正德元年丙寅十月謝公
十以攻逆瑾罷歸先生年八

挽蔣御史子修

肝膽都消血肉中老夫和淚哭英雄片言禍福人難料一
死是非天自公後世茫茫青竹簡高堂咄咄白頭翁忠魂

化作長生樹壠上空號西北風

子修諱欽正德丙寅抗疏
劾逆瑾三疏死杖下

病懷二首

衰遲宜靜不宜譁事莫堪懷動歎嗟病遣稗書還藉眼老
便錫粥又妨牙栽花賃地春無主斫竹開門月過家任是
客來難強酒小陪清話一燒茶

膈痰漫漫似春潮伏枕旬餘氣未調老日易過如短晷病
懷難遣厭長宵隔窻忽忽影度鳥鳴瓦蕭蕭風墮樵藥物
無功全斷酒庭柯高掛舊山瓢

老年三病

轉費揩摩轉減光苦無障翳只荒荒俛眉作字仍虛畫觸

井石齋詩日詩鈔卷八

七

鼻看書反差行蓋幅鮫綃花惜懂隔重雲母月微茫從前
了了都休說青白甘輸與阮郎

右眼花

苦無聊賴坐新聾終日騰騰兀兀中著味笑堪陪座客攬
分癡好作家翁跳江昨夜安秋枕墮葉明朝問朔風非是
是非還自有我無聞聽便應空

右耳聾

風襲蟲攻兩禍端左車淦淦載梅酸舌都無恙先輸弊唇
未云亡莫罪寒送藥親朋徒說効勸餐兒女不知難老年
飲食非輕事又差今年醉牡丹

右齒痛

梅杖

南枝截自六橋邊得仗春風度老年龍腊裹雲蒼玉潤蛇
皮粘蘚碧花圓雪中瘦倚詩留迹湖上香挑酒壓肩欲共
鳩籐品高下明朝携取問逋仙

螢火

閃閃熒熒無定居隨風星散滿郊墟空名何補昏黃際末
炤聊承腐爛餘陰類濫明如火冷小流乘隙怪窻虛自憐
老眼模糊甚縱著囊盛已廢書

人影

身外觀身托我成我初生日汝同生謂無亦有終無實假
有如無強有名夜壁漫隨燈慘淡曉窗偏屬鏡分明算來
惟與鰥夫稱老去猶堪作伴行

詠錢五首

箇許微軀萬事任似泉流動利源深平章市物無偏價泛
濫兒童有愛心一飽莫充輸白粟五財同用愧黃金可憐
別號爲賂賂多少英雄就此沈

區區團團銅作胎能貧能富亦神哉有堪使鬼原非謬無
任呼兄亦不來總爾苞苴莫漫臭終然撲滿要遭槌寒儒
也辨生涯地四壁春苔綠萬枚

輕盈薄質具陰陽之足能行之翅翔聚散本繇冥數定有
無阿著老夫忙一緡牽慾人人逐四字編年代代詳昨日
賣文留短陌免教愚虜誚空囊

存亡未了復亡存慾火難燒此利根生化有涯真子母圓
方爲象小乾坤指揮悉聽何須耳患難能排豈藉言自嘯
白頭窮措大不妨明月夜開門

王老雖誇濟世才亦能爲禱亦爲災舉枚慧眼觀窮達具
片虛心攝去來數減至三無足陌銖輕惟五尚稱財祗除
義士并廉吏萬貫填門不易開

詠得落花詩十首

富逞穠華滿意春香飄瓣落樹還貧紅芳既蛻僊成道綠
業初陰子養仁偶補燕巢泥薦寵別修蜂蜜水資神年年
爲爾添惆悵獨是娥眉未嫁人

飄飄蕩蕩復悠悠樹底追尋到樹頭趙武泥塗知辱雨秦
宮脂粉惜隨流癡情酒戀黏紅袖急意穿簾泊玉鈎欲拾
殘芳擣爲藥傷春難療箇中愁

玉勒銀罌已倦游東飛西落使人愁急攬春去先辭樹嬾
被風扶強上樓魚沫啣恩殘粉在蛛絲牽愛小紅留色香
久在沉迷界懺悔誰能倩比丘

是誰揉碎錦雲堆著地難扶氣力頽懊惱夜生聽雨枕浮

湛朝入送春杯梢傍小刺鶯還掠風背差池鳩又催瞥眼
興亡供一笑竟因何落竟何開

十二街頭散冶游滿街紅紫亂春愁知時去去難留得悟
色空空念罷休朝掃尚嫌奴作賤晚歸還有馬堪憂何人
早起深憐惜孤負新妝倚翠樓

夕陽無賴小橋西春事闌珊意亦迷錦里門前溪好浣黃
陵廟裡鳥還啼焚追螺甲教香史煎帶牛酥囑膳娛萬寶
千鈿真可惜歸來直欲滿筐攜

一園桃李只須臾白白朱朱徹樹無亭怪草玄加舊白窓
嫌點易亂新朱無方飄泊關游子如此衰殘類老夫來歲

重開還自好小篇聊復記榮枯

芳菲死日是生時李妹桃娘盡欲兒人散酒闌春亦去紅
消綠長物無私青山可惜文章喪黃土何堪錦繡施空記
少年簪舞處飄零今已髣如絲

供送春愁上客眉亂紛紛地竚多時擬招綠妾難成些戲
比紅兒煞要詩臨水東風撩短髻惹空晴日共游絲還隨
蛺蝶追尋去墻角公然有半枝

昨日繁華煥眼新今朝瞥眼又成陳深關羊戶無來客漫
藉周亭有醉人露涕煙洩傷故物蝸涎蟻跡弔殘春門墻
蹊徑俱寥落丞相知時却不嗔

和荅石田先生落花之什

文壁徵明

撲面飛簾漫有情細香歌扇障盈盈紅吹乾雪風千點
彩散朝雲雨滿城春水渡江桃葉暗茶煙圍榻髻絲輕
從前不恨飄零事青子梢頭取次成

零落佳人意暗傷爲誰憔悴減容光將飛更舞迎風面
已褪猶媽洗雨妝芳草一年空路陌綠陰明日自池塘
名園酒散春何處惟有歸來後齒香

蜂撩褪粉偶黏衣春減都消一片飛帶撓園風無柰弱
影搖庭日已全稀罇前漫有盈盈淚陌上空歌緩緩歸
未便小齋渾寂寞綠陰幽草勝芳菲

悵人無奈曉風何逐水紛紛不戀柯春雨捲簾紅粉瘦
夜涼踏影月明多章臺舊事愁邊路金縷新聲夢裏過
過眼莫言皆物幻別收功實在蜂窠

戰紅酣紫一春忙回首思歸屬渺茫竟爲雨殘綠太冶
未隨風盡有餘香美人睡起空攀樹蛺蝶飛來却過墻
脈脈芳情天萬里夕陽應斷水邊腸

桃蹊李徑綠成叢春事飄零付落紅不恨佳人難再得
緣知色相本來空舞筵意態飛飛燕禪榻情懷裊裊風
蝶使蜂媒都嬾慢一番無未夕陽中

開喜穠纖落更幽樹頭何用勝溪頭有時細數坐來久

盡日貪看忘却愁惹草營沙風冉冉傷春悵別水悠悠
不堪舊病仍中酒疎雨濃煙鎖畫樓

風裊殘枝已不任那堪萬點更愁人清溪浣恨難成錦
紅雨麝香錦作塵明月黃昏何處怨游絲白日靜中春
急須辦取東欄醉倒地猶堪藉綺茵

飛如有戀墮無聲曲砌斜臺看得盈細草栖霞朱點染
晴絲撩片玉輕明紅顏飄泊明妃淚綠葉差池杜牧情
賴是主人能愛惜不曾緣客掃柴荆

情知芳事去還來眼底飄飄自可哀春漲平添棄脂水
曉寒思築避風臺沾衣成陣看非雨點徑能勻襯有苔

未不齋不日詩金
穠綠已無藏豔處笑他蜂蝶重徘徊

同徵明和荅石田先生落花詩十首 徐禎卿昌穀

不須惆悵綠枝稠畢竟繁華有斷頭夜雨一庭爭怨惜
夕陽半樹小淹留佳人踏處弓鞋薄燕子銜來別院幽
滿目春光今已老可能更管鏡中愁

狼籍亭臺一夜風可憐芳樹色銷穠舞翻江浪春三級
飛入宮牆恨萬重黃雀啄殘紅粉薄杜鵑驚怨綠陰濃
不知開落渾嘗事錯使愁人減玉容

門掩殘紅樹樹稀客車休訪雨中泥蜂攀故蕊將心護
鳥過空枝破血啼半月簾櫳風不定一川煙景日平西

先生臥病渾難管拾得餘英醉裏題

歌酒闌干事已非玉人惆悵捲羅幃可堪荏苒爭先謝
更不躊躇各自飛盡掃庭枝風斂怨偶黏屋網兩衝圍
今朝蝶似長安客羞見殘春寂寞歸

莫怪傷春意緒濃百年光景一番空梁王醉筆今朝覆
禁客離魂何處逢瓶雪炙銷簷外日鬢紅吹墮燭邊風
侯家茵席千重軟憐取微姿廁幕中

飄蕩東西不自持多情牽惹有飛絲恩私漫憶曾攀手
精魄難拋未冷枝每戒兒童搖樹戲空煩道路隔牆窺
經春爲爾添新債開費清罇落費詩

微綠臨窻障讀書樹頭葉密結陰初湘江有客傷遲暮
金谷無人惜耒鋤何處光陰三月閨今朝消息幾分疎
情知世事渾如此閒把蕭蕭髮對梳

流鶯飛絮兩爭忙齊送春歸出苑墻禁路軒車塵散綺
小橋溪店水浮香輕狂合著風情句悵快慚非鐵石腸
整取明朝詩篋在晚陰涼閣賦池塘

穠華奄忽又飛塵門戶青苔白日貧煙柳前村仍好景
禪房曲徑有餘春筇邊拂袖聽啼鳩樹下離亭送遠人
時節匆匆驚過眼豈能長得鬢毛新

開時纔見葉尖芽轉眼成陰又落花平地水粼添膩漲

滿庭月色浸殘霞不憐玉質泥塗忍好厄紅顏造化差
堪笑唐王太癡絕却教御史管鈴華

再荅徵明昌穀見和落花之作

百五光陰瞬息中夜來無樹不驚風踏歌女子思楊白進
酒才人賦雨紅金水送香波共渺玉堦看影月俱空當時
深院還重鎖今出墻頭西復東

陣陣紛飛看不真霎時芳樹減精神黃金莫鑄長生帶紅
淚空啼短命春草上苟存流寓迹陌頭終化冶游塵大家
准備明年酒慚愧重看是老人

擾擾紛紛縱復橫那堪薄薄更輕輕沾泥寥老無狂相留

物坡翁有過名送雨送春長壽寺飛來飛去洛陽城莫將
風雨埋冤殺造化從來要忌盈

似雨紛然落處晴飄紅泊紫莫聊生美人天遠無家別逐
客春深盡族行去是何因趁忙蝶問難爲說假啼鶯悶思
遣撥容酣枕短夢茫茫又不明

春歸莫怪嬾開門及至開門綠滿園漁楫再尋非舊路酒
家難問是空邨悲歌夜帳虞兮淚醉舞煙江白也魂委地
于今却惆悵早無人立厭風幡

芳華別我漫匆匆已信難留留亦空萬物死生寧離土一
場恩怨本同風株連曉樹成愁綠波及煙江有倖紅漠漠

香魂無點斷數聲啼鳥夕陽中

筇枝侵曉啄芳痕借爾階庭亦暫存路不分明愁喚夢酒
無聊賴怕臨軒隨風肯去從新嫁棄樹難留絕故恩惆悵
斷香餘粉在何人翦紙一招魂

賣叟籃空雨滿城塵芳戰豔寂無聲挽留不住春無力送
去還來風有情莫論漫山便寵俗仍憐點地亦輕盈亂紛
紛處無憑據一局殘棋不笑贏

十分顏色儘堪誇只奈風情不戀家慣把無嘗翫成敗別
因容易惜繁華兩姬先殞傷吳隊千豔叢埋怨漢斜消遣
一枝閒拄杖小池新錦看跳蛙

香車寶馬少追陪紅白紛紛又一迴昨日不知今日異開
時便有落時催只從箇裏觀生滅再轉年頭証去來老子
與渠忘未得殘紅收拾掌中杯

三答太嘗呂公見和落花之作

分香人散只空臺紅粉三千首不回惡劫信於今日盡癡
心疑有別家開集本云錦粧林館綉池臺徹底從頭今在
哉斷酒不堪詩竝廢嬾游祇把病相推
節推繫樹馬驚去工部移舟燕蹴來爛熳愁踪何地著謝
承惟有一庭苔

玉蕊霞苞六跗全一時分散覺凄然風前敗興休當立窻
下關愁且背眠放怨出官誰戀主抱香投井死同緣無人

相喚江南比吹滿西興舊渡船

馬追紅雨倦游回春事闌珊意已灰生怕所多煩掃地酷
憐將盡數啣杯莽無留戀墻頭過私有徘徊扇底來老去
星牽宜絕物白頭自笑此心孩集本無

落柄開權既屬春少容遲緩亦誰嗔酷憎好事敗塗地苦
被閒愁殢殺人細數只堪滋眼纈仰吹時欲墮頭巾不應
捫虱窮簷者薦坐公然有錦茵

打失郊原富與榮羣芳力莫與時爭將春托命春何在恃
色傾城色早傾物不可長知墮幻勢因無賴到輕生閒窻
戲把丹青筆描寫人間懊惱情

千林紅褪已如擎一片初飛漸漸添梨雪
五階人病酒絮風撩面妾窺簾併傷鳥起
餘芳盡泛愛鯨爭小浪恬可柰去年生滅
相今年公案又重拈

昨日才聞叫子規又看青子綠陰時
秋娘勸早今方信杜牧來尋已較遲
脫當不歸魂冉冉濺枝空有淚垂垂
淹留墻角嫣黃甚暴殄芳菲罪阿誰

芳樹清尊興已闌拋階滾地又成團
帶煙窻扇櫺斜透夾雨簷溝瓦半漫
老衲目皮閒作觀小娃裙衩戲承歡
無端打破繁華夢擁被傷春臥不安

爲爾徘徊何處邊赤欄干外碧簷前
亂飛萬點紅無度閒

過一鶯黃可憐觀裏又來劉禹錫江南重見李龜年
送春把酒追無及留取銀燈補後緣

盛時忽忽到衰時一一芳枝變醜枝
感舊最關前度客愴亡休唱後庭詞
春如不謝春無度天使長開天亦私
莫怪流連三十詠老夫傷處少人知

樂游園裏眼俱空只在今朝事不同
錯道海棠依舊日生憎棟子下稍風
巧人鏝上泥柔粉桑婦筐中綠映紅
便認未開如已謝一般情況寂寥中

集本無馬追紅雨一首
却有此首附載于後

弘治甲子之春石田先生賦落花之詩十篇首以示璧
璧與友人徐昌穀甫相與嘆豔屬而和之先生喜從而

反和之是歲壁隨計南京謁太嘗卿嘉禾呂公相與歎
豔又屬而和之先生益喜又從而反和之自是和者日
盛其篇皆十總其篇若干而先生之篇累三十而未已
其始成於信宿及其再反而再和也皆不更宿而成成
益易而語益工其爲篇益富而思不窮益奇竊惟昔人
以是詩稱者惟二宋兄弟然皆一篇而止而妙麗膾炙
亦僅僅數語耳若夫積咏而繁十盈百實自先生始至
於妙麗奇偉多而不窮固亦未有如先生今日之盛者
是歲十月之吉衡山文壁徵明甫記

石田先生詩鈔

詩餘

青玉案

因劉完菴臥病感舊而作

去年春色西湖路憶與美人尋去今日江南春又度回頭
人事可憐堪歎不及春如故○劉郎臥病無情緒寂寞桃
花落紅雨看取浮生能幾許及時須樂得閒須醉莫爲忙
時誤 成化壬辰

蘇武漫二闕

五十初度自述時丙申年

細數流年今年五十華髮滿頭如縷歲月崢嶸吾生老矣
壽夭一從天與可否朋儕浮沉鄉里亦不庸心於此漫酣

時高臥高歌管甚饑
爲腐鼠○况自有數卷殘書三間茅
宇門外竹陰無暑牧子誰何耕夫爾汝
此意渾然如古溪山佳處抹月批風
有手信憑多取人休問前頭往事夢裏
幾番風雨

又

伯玉是非買臣富貴到我全然莫曉
苴褐芒屨藜羹糲飯落得一生溫飽
鳳馭鸞驂碧城瑤島豈是滄洲吾道
數篇詩乘壺之酒亦可長生不老○
鎮日地小小岩扉縈縈石徑儘有松風
來掃午睡管騰餘醒尚在可奈落花啼
鳥十分春色知消多少何暇爲他煩惱
且追隨流水行雲有箇

自然之妙

南鄉子 遣興

天地一癡仙寫畫題詩不換錢
畫債詩逋忙到老堪憐白作人情白結緣
○無興最今年浪拍茅堂水浸田筆硯只
宜收拾起休言但說移家上釣船 辛丑

鵲橋仙 題畫

霞容開雨波痕弄晚更著霜楓粧點
不應黃鶴斷磯頭恰坐定功名都懶
○春暖陞階雪寒遷棧沒箇來推去
挽枉勞榮辱總成空不長似江山在眼

又題釣圖

未不齋石田詩金
二
倏然青竹佳哉白叟滿地斜陽疎柳西風短髮不勝吹剛
刺得紅顏殘酒○金塢雖深冰山雖厚不似破船能久舉
雙醉眼看時人一轉瞬英雄何有

水龍吟和武功先生韻

前水龍吟詞一闕蓋天全先生游靈岩而作先生
自謂超妙嘗書示周一紙此作其副本也今歸恥
齋所先生觀化已十年予每登山臨水輒歌此詞
若見先生於乘風御氣之間招之不得涕淚隨之
先生亦必知周於冥冥中也恥齋求予文綾著色
小景補爲引首連裝成卷因妄賡其韻以寄懷賢

之思

富貴夢勘成空見何人保得終身好趁名遂功成力健筋
強別却鳳洲麟島不肯做潦倒三孤龍鍾三少拴條玉帶
抱雙芒屨儘辨得風流又是桑榆斜照比及要眠早驚天
曉○鳥無聲花無笑舊游地豈堪來弔黃雀難招白雲俱
杳多少閒緣未了迨把酒重唱遺詞水寬山惱子期堪鑄
也煞將黃金爲料固視死如歸未應能早想厭凡間老去
觀化冥虛歸真冲妙無形相抱在天上御氣乘風愴逍遙
端得至人之道只除他千載思鄉或者在洞庭月下逢仙

棹壬寅

鷓鴣天 自遣

頭髮氍氍積漸凋詩逋畫欠未勾銷大都教我生勞碌一
半因他解寂寥○山淡淡水迢迢門前秋色自天描清風
儘許奚囊括明月還憑拄杖挑

壬寅

一剪梅 題畫

此老龕疎一釣徒服也非儒狀也非儒生來多為酒糊塗
朝也邛沽暮也邛沽○曾中文墨半些無名也何圖利也
何圖煙波染就白髭鬚生也江湖死也江湖

癸卯

疎簾淡月

題友人亡妓小像

風流往事只剩於今兩行情淚故影遺真便與在時無異

略是眉彎銷翠剛顯出一分憔悴箇裏温存就中情意豈
能忘記○生死茫茫兩地貫月天香緘雲錦字因欠仙緣
傳不到人間世丹青中有還魂計眼極處精神會燈闌夜
悄窸窸牀頭見君休息

浪陶沙

題畫白牡丹

雨細又風斜春在誰家教人寂寞認天涯閣酒關門無况
味何處尋花○玉貌憶籠紗夢裏繁華今年情比去年差
便把娉婷追上紙終莫如他

癸卯

臨江仙

題妓林奴兒畫

舞譽歌聲都摺起丹青留箇芳名雀徽楊妹省前生筆愁

煙樹香屏恨晚山橫○描得出風流意思愛他紅粉兼清
未會相見儘關情只憂相見日花老怨鶯鶯丙午

又嘲友

深院晚寒春料峭惱人叫地風生桃花零亂杏縱橫東墻
要出留煞也無情○索性從他明白去開門打破愁城強
拈春酒背花傾黃鸝薄相又作斷腸聲丁未

糖多令題畫

聞道灞陵橋山遙水更遙六十年踪跡寥寥牖下困人今
老矣雙短髻怕頻搔○行著要詩瓢酒壺相伴挑望秦川
千里翹翹再畫一驢馱我去雖不到也風騷

憶秦娥題秋景

秋蕭索紛紛殘葉隨風落隨風落去來南北幾時逢著○
離愁逼得人懷惡更堪昨夜羅衾薄羅衾薄數聲斷鴈孤
燈西閣巳酉

念奴嬌和楊君謙雨晴韻

柴門晴也喜山意方舒春湖堪寫拄著藤條門外走見打
鼓喧村社逐隊隨行南閭北巷儘趁兒童要強於游宦去
鄉千里羸馬○但願年年康健百年依舊白首其田野天
上多桃根杏柢處處有栽培者儂柘雲屯儂秧雨潑未便
風斯下將它博換都來各自難捨辛亥

又

雨過雲晴喜惠日和風將春描寫正是門前無客到燕子
又來新社杏臉紅肥桃腮粉膩怪蝶癡蜂耍誰家游冶綺
羅一隊珂馬○我也隨去尋芳布袍臺笠箇裏容山野沿
路遲遲吟不進都讓與爭先者孤抱縈詩微酡帶酒播弄
斜陽下數聲黃鳥留人尚未相捨

賣花聲

與許國用

頭腦已冬烘鬢亦霜蓬只今年紀古稀中不敢參時一輩
情況難同○茅屋少人踪滿地殘紅君來方怪酒尊空一
味清談聊當飲儘慰衰翁

又送春

溪閣小憑闌一餉貪閒夕陽臨水偶看山炤見蕭蕭滿鬢
好景將慳○剛又送春還興已闌珊綠陰青子鳥聲間強
把孤懷來事酒暫借紅顏

惜餘春慢

正德改元三月二十八日江陰薛君克卿見過適
西軒玉樓牡丹已向衰落餘香剩瓣猶可把酒留
戀克卿索賦惜餘春慢小詞遂填緝一闋以邀克
卿和篇

院沒餘桃園無剩李斷送青春在地臨軒國艷留取遲閒

香色信無雙美何事香消色衰不用埋冤是他風雨苦厭
厭抱病佳人支倦骨酸難起○儘滿眼弱瓣殘鬚傾臺側
當媽紅爛紫令人可惜十二闌干更向黃昏孤倚只見東
西亂飛隨例忙忙何曾因子漫勞渠吊蝶尋蜂知得斷魂
何許

蝶戀花

癸亥三月十八日坐悶掩關國用至云兩日西山
茶笋頗佳遂理舟而行時東闌牡丹始放行恐負
花不行又差茶笋國用又云歸亦傾國未老舟中
憶花染此墨本復填此詞以寄孤興云

悶悶家中無意味笋紫茶青便爾西山去叵奈東園花一
樹新紅不語愁先露○儘欲相留留不住少倚扁舟尚把
西施顧料理歸來春未暮臨軒爛醉還非誤

鷓鴣天 咏春水

潑綠接藍好染衣溶溶漾漾雪消時劈魚翡翠頻晴浪脫
蛻蜻蜓且晚漪○桃葉渡竹枝詞爲郎江上費相思相思
比似深無底郎若來量自得知

又 咏春草

往事何須慨六朝王孫今已去入遙踏遣更有新金策鬪
墮空思舊玉翹○青冉冉綠迢迢恨煙愁雨夢勞勞志歸

不是當歸種消恨天涯首重搔

又咏春柳

媚在輕柔婀娜中幾枝斜映驛亭紅微煙啁雀金猶嫩細
雨藏雅綠未濃○攀傍岸折隨風管人離別有何功開花
更是無聊賴一朵西飛一朵東

鳳棲梧立春

九十芳辰纔屈指換了年頭百事宜人意惟歎鏡中吾老
矣鬢霜髯雪今如許○薄酒聊聊詩耳耳隨日捱排待盡
乾坤裏如此餘生知有幾梅花報道春還未

鷓鴣天咏春鶯

二月園林蟄已驚一梭飛處曳新聲衣隨雨濕愁金重舌
犯風寒覺玉生○花點出柳粧成傍花隨柳最分明吝情
最是崔家女不借前身只借名

和東坡小詞二闕

人來問我生涯百年端的農家識字無多幾箇掛書牛角
遶邨閒訪梅花

人來問我農家短墻斜撩鷗沙老矣疎茅破屋閉門高臥
外邊撩亂楊花